



Broj: JN1/03-50-5-15/21
Sarajevo, 06.05.2021. godine

Na osnovu tačke IV stav.1 Odluke o osnivanju Centra za uklanjanje mina u Bosni i Hercegovini («Službeni glasnik BiH» br. 15/02 i 44/16), člana 61.stav (2) i 101. stav (2) Zakona o upravi («Službeni glasnik BiH» br. 32/02, 102/09 i 72/17) i na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama («Službeni glasnik BiH», broj 39/14), na preporuku Komisije za javne nabavke (u daljem tekstu: Komisija) broj: JN1/03-50-5-15/21 od 28.04.2021. godine, pomoćnik direktora za podršku i finansije Centra za uklanjanje mina u Bosni i Hercegovini- BHMACE na osnovu rješenja o ovlaštenju za potpisivanje pojedinačnih akata broj: DPA/03-07-5-1/21 od 28.04.2021. godine (u daljem tekstu: Ugovorni organ), donosi

ODLUKU

o izboru najpovoljnijeg ponuđača u postupku javne nabavke
usluge mobilnog interneta za GPS resiver

Član 1.

(Predmet odluke)

Prihvata se preporuka Komisije broj: JN1/03-50-5-15/21 od 28.04.2021. godine i ugovor za nabavku usluge mobilnog interneta za GPS resiver dodjeljuje najpovoljnijem ponuđaču:

BH Telecom dd Sarajevo za ponudenu cijenu nakon provedene e-aukcije u iznosu od **1.697,47 KM bez PDV-a** odnosno **1.986,03 KM sa PDV-om**.

Član 2.

(Objava Odluke)

Ova odluka objavit će se na web-stranici BHMACE-a, www.bhmac.org, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 3.

(Stupanje na snagu)

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

OBRAZLOŽENJE:

Postupak javne nabavke pokrenut je Odlukom o pokretanju postupka javne nabavke usluge mobilnog interneta za GPS resiver broj: JN1/03-50-5-15/21 od 15.03.2021. godine. Procijenjena vrijednost nabavke je 2.564,10 KM bez PDV-a odnosno 3.000,00 KM sa PDV-om. Predviđeno je zaključivanje ugovora na 12 mjeseci.

Obavještenje o nabavci je objavljeno na Portalu javnih nabavki broj: 1407-7-2-9-3-7/21 od 02.04.2021. godine.

Rješenjem broj JN1/03-50-5-15/21 od 14.04.2021. godine imenovana je Komisija za provođenje postupka javne nabavke usluge mobilnog interneta za GPS resiver.

Krajnji rok za dostavljanje ponuda je bio 19.04.2021. godine u 11:00 sati, a javno otvaranje ponuda je izvršeno istog dana u prostorijama Centra za uklanjanje mina u BiH, sa početkom u 11:30 sati što je konstatovano Zapisnikom sa otvaranja ponuda broj: JN1/03-50-5-15/21 od 19.04.2021. godine, a u istom je utvrđeno da je :

- ukupan broj pristiglih ponuda, tri ponude
- ukupan broj blagovremeno pristiglih ponuda, tri ponude
- nije bilo neblagovremeno pristiglih ponuda.

Na javnom otvaranju ponuda je bila prisutna gđa Sanja Mačar, predstavnica ponuđača Mtel a.d. Banja Luka (ovlaštenje broj: 1-04-74-2101-3721). Dostavljanje Zapisnika sa otvaranja ponuda izvršeno je prema učesnicima postupka nabavke u zakonskom roku.

Nakon izvršenog otvaranja ponude i čitanja cijena navedenih u obrascu za cijenu ponude, Komisija je pristupila analizi dokumentacije priložene uz ponudu u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima. Kriterij za dodjelu ugovora u postupku javne nabavke je najniža cijena.

Komisija je utvrdila da su ponude ponuđača BH Telecom dd Sarajevo i Mtel ad Banja Luka prihvatljive za ugovorni organ dok je ponuda ponuđača Logosoft doo Sarajevo neprihvatljiva jer ne ispunjava uslove utvrđene tenderskom dokumentacijom. Naime, tenderskom dokumentacijom je traženo da ponuđač dostavi izjavu kojom će obezbijediti uslugu na cijeloj teritoriji Bosne i Hercegovine prema traženim parametrima. Ponuđač Logosoft u ponudi broj 004-12-SA/21 dostavlja Izjavu u svrhu dokaza o ispunjavanju uslova u pogledu tehničke i profesionalne sposobnosti tenderske dokumentacije, tačka 7. Tehnička i profesionalna sposobnost u kojoj između ostalog navodi: „da je Logosoft d.o.o. Sarajevo tehnički, profesionalno i kvalitetno osposobljen za izvršenje usluga na teritoriji Bosne i Hercegovine prema traženim parametrima tenderske dokumentacije. S obzirom da ponuđač Izjavu nije formulisao na način kako je to traženo tenderskom dokumentacijom, ista se odbacuje kao nepotpuna.

U skladu s tačkom 6. predmetne tenderske dokumentacije, sve prihvatljive ponude su unesene u sistem e-Nabavke. E-aukcija je provedena u skladu sa odredbama Pravilnika o uslovima i načinu korištenja e-aukcije („Službeni glasnik BiH“ broj 66/16) a ista je zakazana 28.04.2021. godine u 11:00 sati.

Nakon okončane e-aukcije, a u skladu sa izvještajem o toku i završetku e-aukcije, Komisija je konstatovala da je došlo do promjene cijena u odnosu na početne te je utvrdila konačnu rang listu, kako slijedi:

1. Ponuda ponuđača **BH Telecom dd Sarajevo** sa ukupnom ponuđenom cijenom u iznosu od **1.697,47 KM bez PDV-a**
2. Ponuda ponuđača **Mtel ad Banja Luka** sa ukupnom ponuđenom cijenom u iznosu od **1.700,00 KM bez PDV-a**

Izabrani ponuđač kako je gore navedeno ocijenjen je kao najpovoljniji prema kriteriju “najniža cijena”.



Komisija za javnu nabavku je direktoru dostavila Izvještaj o ocjeni ponuda s preporukom o izboru najpovoljnijeg ponuđača broj: JN1/03-50-5-15/21 od 28.04.2021. godine. U postupku ocjene provedenog postupka, direktor nije našao nepravilnosti, niti propuste u radu komisije, koji bi predstavljali osnov za neprihvatanje preporuke Komisije za javne nabavke.

Dakle, u postupku je ocijenjeno da je Komisija pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

S obzirom na navedeno, odlučeno je kao u članu 1. Odluke.

POUKA O PRAVNOM LIJEKU:

Pouka o pravnom lijeku: Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke shodno članu 101. stav (5) Zakona. Žalba se podnosi u dovoljnom broju primjeraka, a koji ne može biti manji od tri.

PO OVLAŠTENJU DIREKTORA
Pomoćnik direktora za podršku i finansije
Damir Šišić

